

կերտուհիներին իրանց մայրենի լեզուով դասաւանդուի կրօնը առաջիկայ ուսումնական տարեշրջանի սկզբից:

*Մամուլի վերաբերեալ կարգադրութիւններ.*

„Заказн. Оѳоэрѣніе“ լրագրի խմբագիր-հրատարակիչ Ֆէդոտովին թոյլ է տրուած նոյն անունով պարսկերէն մի լրագիր հրատարակել Ասիաբաղադում: Այդ լրագրի նպատակը կը լինի նպաստել ուս-պարսկական յարաբերութիւնների զարգացման: Պարսկերէն լրագիրը սկզբում լոյս կը տեսնի այն չափով, որ չափով նիւթեր կը հաւաքուեն, բայց մի ամսուայ ընթացքում 4 անգամից ոչ պակաս: Ապագայում լրագիրը կը դառնայ ամենօրեայ: Առաջին համարը լոյս կը տեսնի այս տարուայ յունիսի 1-ին:

Ապրիլի 28-ին ներքին գործերի մինիստրը որոշեց առաջին նախազգուշացում յայտնել „Право“ և „Восходъ“ լրագիրներին՝ նրանց վնասակար ուղղութիւնն պատճառով:

Մայիսի 16-ին „Восходъ“ ստացել է երկրորդ նախազգուշութիւն:

Մայիսի 12-ին արգելուած է „Знамя“ թերթի հատով վաճառումը:

Շրջանային դատարանը Բիչինսկում „Бессарабень“ թերթի հրատարակութեան իրաւունքը վճեց Մալսկու օգտին՝ հետացնելով կրուչկանին լրագրի հրատարակութիւնից:

Ներքին գործերի մինիստրը նորից թոյլատրեց „Новости“ և „Знамя“ լրագիրների հատով վաճառումը:

Մայիսի 5-ին նորից թոյլատրուած է „Новое Время“-ի հատով վաճառումը:

Նախազգուշութիւն է արուած Ֆինլանդիայում լոյս տեսնող «Helsingfors posten» թերթին:

Թոյլատրուած է Վ. Մեչերսկուն (Гражданинъ-ի խմբագիր-հրատարակչին) հրատարակել չաբաթը մի անգամ հանրամատչելի „Дружескія Рѣчи“ թերթը:

Պետերբուրգում „Гласность“ լրագրի իրաւունքը անցնում է Ա. Սուվորինին, որին թոյլատրուած է „Гласность“ անունը փոխարինել „Русь“ անունով:

Օրէնսդրութիւնների ժողովածուի № 44-ում հրատարակուած է արևմտեան իննը նահանգներում (Վիբուօի, Վիտեբսկի, Վոլդնսկի, Դրոյչնօի, Կիելի, Կոնստի, Մինսկի, Մոզելսկի և



Պողոսիկ) մտցնուելիք զեմատվային տնտեսութեան կառավարութեան կանոնադրութիւնը, որ Բարձրագոյն հաստատուած է ապրիլի 2-ին: Այդ նոր կանոնադրութեամբ յիշեալ նահանգներում զեմատվային տնտեսութեան կառավարութիւնը՝ համաձայն հանգուցեալ միջնորդ Սիպեազինի ծրագրին՝ չի յանձնուելու տեղական ազգաբնակչութիւնից ընտրուած ներկայացուցիչներին (զեմատլօ), այլ մի մարմնի, որ կազմուած է լինելու տեղական պետական պաշտօնեաներից և պետական իշխանութեան կողմից ընտրուած ու նշանակուած ներկայացուցիչներից:

Մայիսի 16-ին մեծ չքով տօնուկց Ռուսաստանի հիւսիսային մայրաքաղաք Պետերբուրգի հիմնադրութեան 200-ամեակը:

Յայտնի են Պուշկինի խօսքերը, թէ «Մեծն Պետրոսը հիմնելով Պետերբուրգ՝ պատուհան բացեց զէպի Եւրոպա»: Դրանում ասուած է ամեն ինչ: Եւ արդարեւ, Ռուսիայի հին մայրաքաղաք Մոսկուան իր թաթարաբիւզանդական և հին ուսուական աւանդութիւններով ու կարգերով, իր ասիական դանդաղութեամբ և չինական ինքնահաւանութեամբ միայն խոչընդոտ կը լինէր մեծ վերանորոգչի առաջ: Նոր հիմնուած Պետերբուրգը չ'ունէր այդպիսի տրագիցիաներ. լքցւում էր նոր տարրերով, բիւրօկրատիայով, օտարազգիներով—մի խօսքով Պետրոսի ծրագրներին այսպէս թէ այնպէս նպաստող մարդկանցով: Պետերբուրգն իր աշխարհագրական գիրքով կտրուած էր հին Ռուսաստանից և կպած Արեւմտեան Եւրոպային, որի լուսաւորութիւնը և բազաքացիական կարգերը ներս են խուժւում այդ «պատուհանով» Ռուսաստան:

Պետերբուրգի 200-ամեակը չնորհաւորելու նպատակով և կել էին եւրոպական մայրաքաղաքներից և ներքին քաղաքներից ներկայացուցիչներ: Յաւերժացնելու համար Մեծն Պետրոսի անունը՝ Պետերբուրգի քաղաքային ինքնավարութիւնը հիմք դրեց նրա անունով մի դպրոցական տան շէնքի: